

Guangjisi Minzcu Bau

ganhhau: CN45-0036 B.2018 Nd.8 Ng.15 liggaeuq fouhswt nienz ndwencaet co'ngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3337期

Namzningz Si Sienq Deihdiet Yung H Gij Yenzsu Aennyenz Bouxcuengh Caeuq Sawcuengh 南宁市地铁线生动使用壮族铜鼓元素及壮文

Geij bi neix daeuj, Namzningz Si gaenxmaenx doicaenh Namzningz gveijdaug gyaudoeng, gak aen camh-yinhhek heiqci Namzningz Si, aen camh henz diuz roen BRT daih nduj Namzningz yung H Mancuengh, Sawcuengh daengj minzcu vwnzva yenzsu, langhbaiz le gij daegsaek minzcu Guengjsae, yienh'ok gij daegdiemj dieg gagguenj minzcu Guengjsae, daejyienh gij yenzcwz caeuq fugsah leixniemh goenggungh gyaudoeng hawj lwgminz fuengbienh, hawj lwgminz ndaej ik, caeuq lwgminz gvanhaeh maedsaed, aeundaeg cingz-yauq haemq ndei.

Baiz camhmingz ndaw camh 1 hauh sienq deihdiet, baizdou dieg haeujok rog camh, diuzsaeu dazyinx 500 mij rog camh, diveih dieg haeujok

daengj baiz geiqhauh ceijroen cungj yung H le Sawcuengh. Vwnzva Bouxcuengh goek gyaeg rag raez, Sawcuengh Vahueng dwg gij geiqhauh youq-gaenj vwnzva minzcu Guengjsae. Yung H Sawcuengh Vahueng doiq swnjcienz vwnzmingz, hezdiuz gvanhaeh minzcu, henhoh minzcu dox-giet caeuq ndawbiengz onjdingh, coicaenh hwngfat hezdiuz ndawbiengz, ginghci dieg Bouxcuengh, fugsah vwnzva minzcu hoenghvuengh daengj fuengmienh gig miz yingyangj laeg-gyaeg caeuq cozyung gaenxmaenx.

2 hauh sienq deihdiet daengx diuz sienq yung H gij yenzsu aennyenz Bouxcuengh. Moix diuz saeu ndaw ding dap ci cungj yaenq miz raiz aennyenz, baiz ceijroen caeuq geiqhauh roen camhci couh yung H saek-

henjnding guh daeuz. Denhvahbanj camhding dajcang yung H gij dajveh sienqdiuz saekhau yienh luenzgungh, yungzhab gij daegdiemj dajveh minzcu caeuq daihneix. Vwnzva aennyenz dwg gij fouzhauh daiqbiusingsq daegsaek minzcu Guengjsae, aennyenz hix dwg gij vwnzva fouzhauh Namzningz ceiq miz daiqbiusingsq ndawde cungj ndeu, gig miz daegsaek minzcu dangdieg. Cingjdaeg saek dajcang, 2 hauh sienq camhdiemj cujyau dwg saekmonghau, cauh'ok gij vanzging yienh saek seuqcingh, doenggwag gij fouzhauh vwnzva conzdungj caeuq caizliuh gunghyezva daihneix nem biujdaz hingzsiq, eiqsei dwg hawsingz yendaiva Namzningz caeuq vwnzva conzdungj minzcu caemh youq.

(Muengx Swcigih Minzcunghvej)



Lungzswng: Makgva Homfwd Hawj Bouxguhnaz Baenz Miz

龙胜:瓜果飘香富农家

Mboengqneix, Lungzswng Gak Cuz Swciyen Majdz Yangh gvahamizgvah yinx haeuj ndaem haenx laebdaeb baenz lo, gyoengq vwnz ndaem gva nyaengq mbaet gva bae gai.

Geij bi neix daeuj, cwngefuj dangdieg gaenxmaenx diuzcingj nungzyez canjnieb gezgou, doenggwag "gunghsw + hozcozse + nungzhoh" vunqsik hwngfat nungzyez daihneix, laebdin gij swngghai vanzging ndei dangdieg, yinx haeuj ndaem gvahamizgvah, makmizhouzdauz daengj doxgaiq moq, dajcauh comz nungzyez daihneix, youqndwi mbaetsou daengj suen naz cunghozdij hanghmoeg, daiqdoengh bouxguhnaz dangdieg laisou baenz miz. Ndaem doz dwg bouxhek cingq mbaet gvahamizgvah.

(Banh Cisiengz)

《Nyengh Mbouj Deqcaj》(《Deqcaj》Swnjlaeng) Denyingj Dinj Vahuengh Cauhnduj Dunghlanz Yen Mboengqneix Gaepingj 东兰县原创壮语微电影《决不等候》(《等候》续集)近日开拍

《Deqcaj》denyingj dinj Vahuengh cau hnduj Dunghlanz swnjlaeng 《Nyengh Mbouj Deqcaj》seizneix cingq gaepingj ndaej nauhyied dangqmaz. Bouh benq neix youz Dunghlanz Yen Minzyijigiz cau hguh okdaej, bang vwnz gaeuq yienj 《Deqcaj》dajcauh, lwnhgangj le gij gojgaeq hawj vwnz gamjdoengh dieglauz gwzming lwgnyez louz mbanj Myauzmyauz, Dahmeiz, Daeggvanh daengj aenvih gyoengq bohmei daengx bi ok rog dajgoeng, gyoengqde mbouj ndaej mbouj rap dawz mbaq rap "bohraz" ciuqgoq daxgoeng daxbuz bi'ndwen geq caeuq daegnuengx bi-

ndwen nomj haenx. Baez "seizhah dajsou dajndaem" le, gyoengq bohmei youq cien gyaeg dajgoeng haenx daj ndaw sibinz soujgih yawjraen gyoengq lwgnyez youq gyang doengh buekmingh guhhong, mbouj youz bonjfaenh raemxda doek roengzdaej, gyoengqde gietdingh dauqranz cau hnieb, hawj lwgnyez miz aen ranz raeujrub he, hawj lwgnyez ndaej angqyangz majhung.

Bouh benq neix doed ok gij cingsaenz gwzming gyoengqvunz dieglauz gwzming mbouj lumz simmuengh nduj, buekguh baenaj, gaenxmaenx fatyienz le gij vwnzva

conzdungj maenhndei Cunghvaz, swnjcienz gij funghieq caeuq son-gyauq ndei gyaranz, vih raiz bien faenzcieng moq hwngfat Guengjsae seizdaih moq gietcomz naengzliengh ndei hung'ak.

Ciuq cam rox, bouh benq neix yaek youq ndwen 8 ngoenz 20 gaxgonq boquengq, vih caenh'itbouh haeujlaeg senhconz sevei cuji hwzsinh gyacizgvah, angqhoh guek raeuz gaijgwz hailangh 40 hopbi caeuq Guengjsae Bouxcuengh Swcigih laebbaenz 60 hopbi soengq laex.

(Hanz Cez)

SIUSIK DINJ

简讯

● Geij bi neix daeuj, Lungzlinz Gak Cuz Swciyen baengh gijndei ndoengfaex lai, dajcauh Nazdah, Cejang song aen dieg suen canjnieb gyonjcomz gyagoeng faex, daz-yinx giyez gietcomz hwngfat, hwngfat canjnieb gyagoeng faex, coicaenh gijndei swhyenz cienjvaq baenz gijndei ginghci. Daengz seizneix, daengx yienh gak aen giyez gyagoeng faex gungh miz 32 aen, bi canjciiz daengz 3.2 ik maenz, anbaiz vwnz lajmbanj couhnieb 2000 lai boux.

(Liengz Saugvanh)

● Mboengqneix, aen duenz gvansim son'gyauq daihag-seng Guengjsae Caizgingh Yoz-yen bae daengz Cingsih Si Gveihhih Yangh haiguh aen hozdung ndawbiengz lienhguh gyajseizhwngq "sam roengz mbanj", aen duenz gvansim son'gyauq youq dangdieg haiguh gangj lajmbanj saenqhwngh canloz, doengzseiz lij soengq buek bit maeg simndei he hawj mbanj lwgnyez louz mbanj.

(Cau Cingyuz)

● Mboengqneix, Denzlinz Yen Cejmyauz Yangh cujciiz yangh veiswngnyen, giswngghan lienzhab haiguh aen hozdung senhconz gij cihsiz cangqheiq caeuq senhconz cwngecwz bang-gungz cangqheiq. Mwh hozdung, bouxguhhong doenggwag yienhciegz gangj, fat ceksa senhconz daengj hingzsiq ganggej gij cihsiz mizgven fuengz bingh caeuq cwngecwz banggunz cangqheiq hawj gyoengq vwnzlai, caemhcai ciengzsaeg dap gij camcaz vwnzlai, lij rau hezyaz, hezdangz daengj hawj vwnzlai mbouj aeu cienz.

(Liuz Yingbyauh)

● Mboengqneix, Guengjsae Fufung Cizdonz youq Bingzgoj Yen Fung'vuz Cin haiguh aen hozdung giensoengq gaeqlwg banggunz, gungh giensoengq 1500 duz gaeqlwg, soengq hawj Lungzgyangh (27 ranz 1100 duz), Sanhvanz (10 ranz 300 duz) caeuq Gujlij(5 ranz 100 duz) 3 aen mbanj 42 ranz ranzungzhoj laeb dangjan laeb gaj haenx.

(Veiz Fuzsingh)